

Da poi disnar, fo Consejo di X per expedir sier Polo Contarini qu. sier Francesco, fo in Lignago, et fo con la zonta di presonieri. Fo leto il suo processo et menà il suo caso per sier Francesco Orio l'avogador; qual con effecto merita esser asolto. Era *etiam* il Colegio in Consejo di X *ad consulendum*, ma non balotà; et andò la parte di relaxarlo *pro nunc*, et la pende. Non fu presa; manchava do balote a relaxarlo: a uno altro Consejo.

*Di Vicenza, di sier Nicolò Pasqualigo podestà et capitano, di . . .* Dil zonzer li dil capitano zeneral nostro et domino Theodoro Triulzi orator di Franza: partirano da matina, ch'è ozi, per campo etc.

Noto. Se intese, per alcuni venuti di Verona, che in consejo di Verona el vescovo di Trento comenzò a dir che i volesseno esser constanti a la Cesarea Maestà, perchè el vegnirà gran soccorso, e non temesseno dil campo di la Signoria; *unde* domino Bortolamio Pelegrini cavalier rispose che quella cità e loro cittadini sariano fidelissimi *dummodo* avesseno le forze a difendersi, et da sì solo non potevano far nulla, venendoli il campo di la Signoria atorno; *unde* el conte Brunoro da Serego si levò dicendo el parlava tristamente, et che l'avia messo paura a tutti, *unde* veneno a parole e dete uno schiafo al predito domino Bortolamio. *Ita fertur*, e non fu vero.

138 *Di Spagna, di l'orator nostro, date a Vaia-dolit, fo leto le lettere, de 24 April le ultime, questa matina in Colegio, trate de zifra.*

139 *Exemplum.*

Udite, udite, udite: Che per comandamento de la molto alta et molto grande principessa la Regina nostra signora, se notifica et se fa saper a tute et qualunque persone, de qualunque dignità o preeminentia che siano, come, per dar loco a la union de la Chiesa et a la pace general de' christiani, el Re nostro signor, suo padre, in nome de Sua Alteza et suo, et *similiter* de li molto alti et molto grandi principi lo Imperador de li romani, del re del Engleterre et del principe don Carlo suo nepote et figliol da una parte, et el molto alto et molto grande principe el re de Franza, et el serenissimo re de Scotia et el duca de Geldria da l'altra parte, sono facte treugue et confirmate per mar et per terra, per tuti li regni et signorie de li dicti principi che sono de qua da li monti de Italia, per uno anno, et comincia ad correr el primo giorno de questo presente mese de April del 1513 in avanti. Per le quale, li dicti prin-

cipi et tuti li subditi sui naturali, in tutti li sui regni et signorie de qua da li monti de Italia, per mar et per terra, durante el dicto tempo de uno anno, staggino et hanno a star in tregue, cessando nel prefato tempo tra li dicti principi in li dicti sui regni et signorie, li vassalli et subditi da una parte et da l'altra, de qua da li monti de Italia, tutti li acti de facti et de guerra uno contra l'altro, et l'altro contra l'uno, de modo che li dicti principi per sè, nè per altro over altri *directe*, nè indirectamente, non possi far guerra, nè dar adiuto de gente over danari, nè dar artellaria, nè munition, nè altra cosa alcuna ad altri che faci o vogli far a qualunque de li dicti principi de qua da li monti de Italia; dando de qui avanti libera facultà durante il dicto tempo de uno anno a qualunque vassalli et subditi de li dicti principi de qual se vogli Stado et conditione che siino, che possino passar da una parte a l'altra, et da l'altra a l'una; andar, star, dimorar et conversar li uni *cum* li altri, et li altri *cum* li uni, ne le terre, regni, et signorie de li altri, che sono de qua da li monti de Italia, sì facendo mercantie, come in altra maniera, sì per terra come per mar et aque dolce, *libere* et securamente, senza farli over consentir che li sia facto danno alcuno ne li beni, nè in le sue persone, secundo li supradicti, et altre cose che più amplamente sono declarade et contenute in li capituli de le dicte treugue facte et jurate tra li dicti principi. Per la qual cosa, la Regina nostra signora comanda a li subditi sui naturali, de qual se vogli Stado et conditione che siino, per mar et per terra, in li dicti soi regni et signorie de li dicti principi de qua da li monti de Italia, guardino et observino et facino osservare et guardar, senza rottura de le dicte treugue, sotto quelle pene in le qual cadeno li inobedienti a la sua Regina et signora natural, et rompeno le treugue, et cussì observade per essa facte et date.

*A dì 19.* La matina vene in Colegio il conte di 140 Chariati orator yspano, et volse audientia con li Cai di X, et disse aver auto lettere di Spagna dal Re, et si la Signoria voleva era contento far una liga, Papa, il re Catholico et la Signoria nostra; et se l'Imperador vol intrar *bene quidem*, si non sarà fuora. E il Re vol la Signoria habbi tutto il Stado et Cremona et Verona, et si la vol *immediate* farà consignar Brexa, dicendo à lettere certe di Lombardia che francesi venuti in Aste erano retrati, con altre parole da savio orator et sagaze; ma le sue astuzie erano ben conosciute da li padri di Colegio, et niun li credeva.